



Knud Kleemann
Atassut

UKA 2025/32
7. oktober 2025

Meeqqat pisinnaatitaaffii pillugit isumaqatigiisummut Kalaallit Nunaata nammineq qinikkaminik isumaqatigiissutip tapiliusnaanut 19. december 2011-mi peqataalernissaanut Inatsisartut aalajangiussassaattut siunnersuut.

(Meeqqanut, Inuusuttunut Ilaqutariinnullu Naalakkersuisoq)

Meeqqat pisinnaatitaaffii pillugit Naalagaaffiit Peqatigiit isumaqatigiissutaannut tapiliussap akuerineqarnissaanut aalajangiiffigisassaq pillugu Atassummiit imatut akissuteqassaagut.

Aap soorunalimi meeqqat pisinnaatitaaffiik nunami pineqartumi unioqqutinneqarsimappata naammagittaalliorfissamik peqartariaqarpoq. Ilaana. Akuerikutsuussavarput.

Taamaattorli uani oqallinnermi ilanngullugu eqqaasariaqarparput, siunertat allasimasumi kusanarluinnartutut isikkullit qaqugumulluunniit akueriuarsinnaagaluarpagut. Piviusorli tassaavoq ullumikkut nunatsinni meerarpasuit atugarliormata.

Nunatsinnilu meeqqat pisinnaatitaaffiik atuutsitsinerunissamik aqqutaasinnaasut inerisartariaqarpagut, nalunngilarpummi aamma MIO assut ulapittoq, sutigullu nunatsinni aaqqitassaqarnerput pillugu innersuussaqaartarlutik.

Atassummiillu tamakkiisumik meeqqap pisinnaatitaaffiisa eqquutsinneqarnissaannik tamakkiisumik tapersiigaluarluta iluatsillugu maluginiaqqarput taakku pisinnaatitaaffiit paatsooqqunagit. Ajoraluartumimmi meeqqat pisinnaatitaaffiisa saqqummiunneqarnerisa kinguneranik paatsoortoqaartarnera takussaasalersimammata. Ilami ilaatigut meeqqat oqarfigineqaqqusaajunnaartutut misigisimalersimanerat assut uggornartipparput meeqqat naqqinneqarsinnaanngitsutut piumaffigineqarsinnaanngitsutullu ilaatigut misigisalersimammata. Isumaqarpugullu pisinnaatitaaffinnik siammarterinerunikkut tamanna eqquunnerusumik atuutsitsinissatsinnik aqqutissaq atortariaqaripput.

Taamaalilluta Atassummiit siunnersuut akuersaarlugu oqaaseqarpugut.